

第十一冊

類聚方

方機

救急選方

名家方選

家塾方與方極

醫略抄

古方分量攷

編 仁 存 陳

書 叢 學 醫 漢 皇

東 洞 吉 益 著

類

聚

方

世 界 書 局 印 行



北京中医药大学图书馆版权所有

類聚方序

欽繇嘗患血症。五六年矣。骨將枯矣。東洞翁肉焉。爾後相得而歡篤。欽繇於醫事混然途之人也。比比耳。目其術奏效。間聞爲其徒辨惑之。略曰。唐宋來。方技家無慮數十。丹溪東垣輩稱其時。其論著鑿空張虛。如其持之有故。其言之成理。而無益於術。投饑餓以土羹乎。救決河用枯蔞乎。而近世醫。或一毒同症。而投其劑。朝更夕改。其莽之設令乎。或一毒異症。仍貫乎其施。其守株刻船乎。而或其中。非爾力也。病者天幸已。非然。則諺云。驅飯上蠅耳。豈視越人所論。仲景所傳。以爲周之冕不可冠。殷之輅不可乘矣。奚不能自開一眼。以蹈冥途甚矣。世醫之墨墨也。乃使秦張二子。謂千歲無知己。此胡異乎。見表石爲鬼兒。藏燕石爲大寶。雖素非芒。軻優梏者。面牆使然乎。卽有一說。憊驚人耳。換面陳言。而丹溪東垣輩之尸之祝。及或見讀古方書者。又億億然猥以往蔽精神。奚乃爲此方枘圓鑿。安所施之。且利之昧心也。使志不立。彼何論於救濟。張氏所謂寧不利於病。不拂富家心。其簧巧求售。如假飾妖娣。倚閭求歡者。不自知其陋。又不恥其恥焉。則又何進焉。噫。卽使爲則。沙汰其砂礫。簸揚其糝糠。乃不能以一日遽洗滌。世醫舊染。夏蟲疑冰。不亦類乎。亦唯候後世之公言耳。蓋詭隨儂子。聞此語。豈不謂避竈猶煬。沾沾背出汗乎。詩云。我思古人。俾無訖兮。東洞翁之謂也。蓋東洞翁壯年前。憤厲激發。立志其復古。焦心覃思。更唐宋

失機縱敵之弱謀。張秦張應變摧堅之紀律。乃遂揭旗幟其道。振金鼓其黨。亦惟繼絕存亡矣。斯亦謂與秦張二氏千歲而比肩也。不亦宜乎。往年醫斷出。則若夫金科玉條乎。腐論迂說者。瞠然疑之。愕然駭之。匆匆彈之。訕訕拒之。或自覺昨非。以思改轍。而以日莫途遠。倒行逆施。或闐然自揜。寄託遺簪弊履。乃巧其遁辭。鬻其苦窳者。或託神奇其道。假儒飾其業。乃謂攻異端斯害已者。亦有之。如思折伯牙之指。願摧王良之手者。亦有之。余聞之。人言稍黠者。陽排斥東洞。譙訶其說。陰謄抄其著稿。用以爲帳祕。而緣飾其術。往往取其效者。亦有之。亦惟繫縛於名。漠潛於利也。雖然。醫斷已出。牖後進。杖心旨。乃染指于古。或千里負笈。委然就學。或聞風而弗然興者。不爲不多矣。古人云。涉淺水者見蝦。其頗深者察魚鼈。其尤者觀蛟龍。焉知世不有深入於刀圭之道者乎。則知東洞者。何候後世乎。其著藉追踵出。則又焉知不有初睥睨者。心竊若小巫於翁。而神氣竭耶。間者刊其類聚方。是亦不啻設左右廣。而導之前茅也。一日謂余曰。世謀其著之顯。而請其序也。或以貴。或以名。假其燠輝。余也不然。幸以子之識爲則也。題一言。夫名之剖發於海內。此藉自白矣。且欽繇不知醫事者也。何爲重於此舉。但書諄誨其徒之緒餘。以爲序。是已。已而豈足盡東洞翁乎。豈足盡東洞翁乎。

寶曆癸未之春。美濃武欽繇撰

類聚方自序

醫之學也。方焉耳。炎黃氏邈矣。靡得而聞已。周室之盛。以療萬民之病。則有醫職之設。其既有醫職之設。其法豈可不精焉。惜夫官失其職。籍滅其傳。迷方之士。奚所得其門而入之。而覩藥劑之富。法術之妙乎。後有曰扁鵲者。謂秦越人也。名著天下。余初讀其傳。少覺疾醫之法。竊以爲己師。然而扁鵲之沒也。籍亦不傳。吾雖有祈嚮者。其奈之何。當漢之時。張氏之爲方也。雖復稍後扁鵲。而其藥劑之富。法術之存。蓋莫古焉。而醫之學也。方焉耳。吾亦何求。疾醫之法。其可以復耶。曰。何不可也。吾常恨其世之與時移。籍非其舊。將稽之諸家。以復之於古。仲景氏。吾如爾何。自漢已降。以人以籍。孰可以憲章者。吾其捨此亦何依。遂以扁鵲爲法。臨張氏之籍。久之而後。知扁鵲之與張氏醫法一也。乃今而後。昧之淄澠。可以辨。見之毫釐。可以晰。而後若置其身於千載之上。親受其指揮也。蓋夫張氏之籍之難讀也。方之與證之散在諸篇。使夫學者惑焉。今也列而類之。附以己所見。其有疑者。矩之以方焉。名曰類聚方。庶幾使夫學者。雖非易牙。淄澠可以味矣。雖非離婁。毫釐可以見矣。遂命剗剛之師。遺之篤信好古之士云爾。寶曆壬午夏六月阿岐吉益爲則撰。

凡例

始我先生之編類聚方也。軌在左右。躬受其凡例。此書之就成也。軌之所錄。其凡之例。亦已備矣。乃不敢私之。敢措諸卷首。以布諸同志之士。乃我先生之編類聚方也。凡例如左。

一昔者張氏之書。其散軼也久矣。晉大醫令王氏叔和。集爲之次。至今學者受其賜矣。雖然。叔和其識之未優也。加以私言。貳夫燕石。俄然收之。而後之讀之。亦不知擇焉。見以爲一圭一璧。此盡希世之寶也。嗚呼可悲夫。乃今悉取其空言虛語也。臆說理義也。痛極刪削。然後。譬之崑崙玄圃。無非圭璧者。此所以爲仲景雪冤。而爲學者發贖也。

一仲景之書。蓋一而已。岐爲二三。別病頌方。抑亦後人之撰乎。夫醫之處方也。隨證以移。惟其於同也。萬病一方。惟其於變也。一毒萬方。故雞壘豕零。時爲帝也。董及桔梗。互爲宰也。奇乎正乎。縱橫取舍。醫師之術也。此書本不別病也。不頌方也。亦其志之所存乎。

一蓋方之所貴也。不在古今。期于治疾。論之所貴也。不在新故。期于有事。故方能治疾也。不問古今。論若繫于事也。不在新故。惟是所以汲汲于治疾也。

一諸方以類就位。又以類之變。猶八卦之旋爲六十有四乎。其慎斯術也。以往。其方之用。與藥之能。可得而言矣。

一原文有舉脈之例。而措病之證焉。有稱病之名。而略形之狀焉。凡今學者。宜以此推彼矣。

一諸方或無其證也。證或無其方也。則據傍例攙摭之。加諸爲則之按焉者。以異於其舊。蓋皆不苟用私說也。於藥徵乎見之。

一仲景之書。方之與證。其所載也。散在諸篇。如覩其證之全也。固非急索焉。而所能得矣。今之於薈萃也。無有子遺矣。

一諸方而在於諸論之中。無一不載焉。其空言虛語。臆說理義。既已非夫疾醫之事。則域焉而異之。所以燭乎昧行之徒也。亦惡其辭而域焉。終沒其證也。是故有域焉而刪焉者。有域焉而指擿焉者。凡其學者。其能詳之矣。

一凡其不試者。十有八方也。附之于後。以俟後世之君子。不敢空斷矣。又不敢撰次矣。

門人 藝陽 藤利軌謹記

類聚方目錄

桂枝湯	一	桂枝加龍骨牡蠣湯	六
桂枝加桂湯	三	桂枝去芍藥加蜀漆龍骨牡蠣湯	七
桂枝加芍藥湯	三	桂枝加芍藥生薑人參湯	七
桂枝去芍藥湯	三	桂枝二麻黃一湯	七
桂枝加葛根湯	三	桂枝二「越婢」一湯	八
栝蘘桂枝湯	四	桂枝麻黃各半湯	八
桂枝加黃耆湯	四	小建中湯	八
桂枝加芍藥大黃湯	四	黃耆「建中」湯	九
桂枝加厚朴杏子湯	四	黃耆桂枝五物湯	九
烏頭桂枝湯	四	黃耆桂枝苦酒湯	九
桂枝加附子湯	五	桂枝甘草湯	一〇
桂枝去芍藥加附子湯	五	半夏散	一〇
桂枝附子湯	五	桂枝甘草附子湯	一〇
桂枝附子去桂加朮湯	六	桂枝甘草龍骨牡蠣湯	一〇
桂枝去桂加苓朮湯	六	桂枝人參湯	一〇
桂薑棗草黃辛附湯	六	人參湯	一一
桂枝去芍藥加皂莢湯	六	茯苓甘草湯	一一

茯苓杏仁甘草湯	一二	栝蘘瞿麥丸	一七
茯苓戎鹽湯	一二	麻黃湯	一八
葵子茯苓散	一二	麻黃加朮湯	一八
苓薑朮甘湯	一二	麻黃甘草湯	一九
苓桂朮甘湯	一三	麻黃附子甘草湯	一九
苓桂甘棗湯	一三	麻黃附子細辛湯	一九
苓桂五味甘草湯	一三	麻黃杏仁甘草石膏湯	一九
苓甘五味薑辛湯	一三	麻黃杏仁薏苡甘草湯	二〇
苓甘薑味辛夏湯	一四	牡蠣湯	二〇
苓甘薑味辛夏仁湯	一四	麻黃醇酒湯	二〇
苓甘薑味辛夏仁黃湯	一四	半夏麻黃丸	二一
茯苓澤瀉湯	一五	小青龍湯	二一
澤瀉湯	一五	大青龍湯	二一
五苓散	一五	文蛤湯	二二
茵陳五苓散	一六	「越婢」湯	二二
猪苓湯	一六	「越婢」加朮湯	二三
猪苓散	一六	「越婢」加半夏湯	二三
牡蠣澤瀉散	一七	葛根湯	二三
八味丸	一七	葛根加半夏湯	二三

葛根黃連黃芩湯	二四	大黃甘遂湯	三五
小柴胡湯	二四	抵當湯	三五
柴胡加芒消湯	二七	抵當丸	三六
柴胡去半夏加栝蒌湯	二七	橘皮大黃朴消湯	三六
柴胡加桂枝湯	二七	大黃消石湯	三六
柴胡薑桂湯	二七	大黃牡丹皮湯	三六
柴胡龍骨牡蠣湯	二八	大黃甘草湯	三七
大柴胡湯	二八	調胃承氣湯	三七
白虎湯	二九	桃核「承氣」湯	三八
白虎加人參湯	二九	下瘀血湯	三八
白虎加桂枝湯	三〇	土瓜根散	三八
小「承氣」湯	三〇	甘草湯	三九
厚朴三物湯	三一	桔梗湯	三九
厚朴七物湯	三一	排膿湯	三九
大「承氣」湯	三二	芍藥甘草湯	三九
大黃黃連「瀉心」湯	三四	甘遂半夏湯	四〇
「瀉心」湯	三四	芍藥甘草附子湯	四〇
附子「瀉心」湯	三五	甘麥大棗湯	四〇
大黃附子湯	三五	甘草粉蜜湯	四〇

生薑甘草湯	四〇	梔子豉湯	四六
甘草乾薑湯	四一	梔子甘草豉湯	四七
四逆湯	四一	梔子生薑豉湯	四七
「通脈」四逆湯	四二	枳實梔子豉湯	四七
四逆加人參湯	四三	梔子大黃豉湯	四八
茯苓四逆湯	四三	茵陳蒿湯	四八
「通脈」四逆加豬膽汁湯	四三	梔子蘄皮湯	四八
乾薑附子湯	四三	梔子厚朴湯	四八
附子粳米湯	四三	梔子乾薑湯	四九
薏苡附子散	四四	大陷胸湯	四九
薏苡附子敗漿散	四四	大陷胸丸	五〇
白通湯	四四	小陷胸湯	五〇
白通加豬膽汁湯	四四	栝蘘薤白白酒湯	五〇
大烏頭煎	四五	栝蘘薤白半夏湯	五〇
烏頭湯	四五	瓜蒂散	五一
赤丸	四五	文蛤散	五一
真武湯	四六	大半夏湯	五一
附子湯	四六	小半夏湯	五一
天雄散	四六	生薑半夏湯	五二

小半夏加茯苓湯	五二	白頭翁加甘草阿膠湯	五七
半夏苦酒湯	五二	木防己湯	五七
半夏厚朴湯	五三	木防己去石膏加茯苓芒消湯	五八
半夏乾薑散	五三	防己茯苓湯	五八
乾薑人參半夏丸	五三	防己黃耆湯	五八
半夏「瀉心」湯	五三	枳實芍藥散	五八
甘草「瀉心」湯	五四	枳朮湯	五九
生薑「瀉心」湯	五四	排膿散	五九
吳茱萸湯	五四	桂枝枳實生薑湯	五九
厚朴生薑半夏甘草人參湯	五五	枳實薤白桂枝湯	五九
黃連湯	五五	橘皮枳實生薑湯	六〇
乾薑黃連黃芩人參湯	五五	茯苓飲	六〇
大「建中」湯	五五	橘皮竹茹湯	六〇
黃連阿膠湯	五六	橘皮湯	六〇
黃芩湯	五六	桂枝茯苓丸	六〇
黃芩加半夏生薑湯	五六	芎歸膠艾湯	六一
六物黃芩湯	五六	旋覆花代赭石湯	六一
三物黃芩湯	五六	赤石脂禹餘糧湯	六一
白頭翁湯	五七	桃花湯	六一

大豬膽汁	六二	麥門冬湯	六六
蜜煎導	六二	雄黃熏	六六
酸棗仁湯	六一	頭風摩散	六七
葶歷大棗「瀉肺」湯	六三	皂莢丸	六七
麻子仁丸	六三	葦莖湯	六七
己椒歷黃丸	六三	當歸生薑羊肉湯	六七
蜀漆散	六三	蒲灰散	六七
十棗湯	六四	滑石白魚散	六八
桔梗白散	六四	豬膏髮煎	六八
走馬湯	六五	柏葉湯	六八
備急圓	六五	黃土湯	六八
礬石湯	六五	雞屎白散	六八
消礬散	六五	蜘蛛散	六八
礬石丸	六六	當歸芍藥散	六九
蛇床子散	六六	歸母苦參丸	六九
不試方十八方		狼牙湯	六九
竹葉石膏方	六六	小兒疳蟲蝕齒方	六九

類聚方

藝陽吉益爲則公言撰

門人石陽中邨貞治子亨校

桂枝湯。桂枝三兩。芍藥三兩。甘草二兩。生薑三兩。大棗十二枚。

右五味。㕮咀。以水七升。微火煮取三升。去滓。適寒溫。服一升。服已。須臾。歡熱稀粥一升餘。以助藥力。溫覆令一時許。一遍身熱。微似有汗者。益佳。不可令如水流漓。病必不除。若一服汗出。病差。停後服。不必盡劑。若不汗。更服。依前法。又不汗。後服小促其間。半日許。令三服盡。若病重者。一日一夜服。周時觀之。服一劑盡。病證猶在者。更作服。若汗不出者。乃服至二三劑。」

「太陽中風。陽浮而陰弱。陽浮者熱自發。陰弱者汗自出。嗇嗇惡寒。淅淅惡風。翕翕發熱。鼻鳴乾嘔者。」太陽病。「頭痛發熱。汗出惡風者。」太陽病下之後。「其氣上衝者。可與桂枝湯。方用前法。若不上衝者。不可與之。」太陽病。「初服桂枝湯。反煩不解者。」先刺風池。風府。卻與桂枝湯則愈。「太陽病。」三日已發汗。若吐。若下。若溫鍼。仍不解者。此爲壞病。桂枝不中與也。觀其脈證。知犯何逆。隨證治之。「桂枝本爲解肌。若其人脈浮緊。發熱汗不出者。不可與也。常須識此。勿令誤也。」若酒客病。不可與桂枝湯。得湯則嘔。以酒客不喜甘。

故也。」「太陽病外證未解，脈浮弱者，當以汗解。」「太陽病外證未解者，不可下也。下之爲逆，欲解外者。」「太陽病先發汗不解，而復下之，脈浮者不愈，浮爲在外，而反下之，故令不愈。今脈浮，故知在外，當須解外則愈。」「病常自汗出者，此爲榮氣和，榮氣和者，外不諧，以衛氣不共榮氣和諧，故爾。以榮行脈中，衛行脈外，復發其汗，榮衛和則愈。」病人「藏」無他病，時發熱，「自汗出而不愈者，此衛氣不和也。」先其時發汗則愈。「傷寒」不大便六七日，頭痛有熱者，與承氣湯。「其小便清者，知不在裏，仍在表也，當須發汗。若頭痛者，必衄。」「傷寒」發汗解，半日許，復煩，脈浮數者，「可更發汗。」「傷寒」醫下之，續得下利，清穀不止，身疼痛者，「急當救裏。」後身疼痛，清便自調者，「急當救表，救裏」宜四逆湯。「救表」桂枝湯。「太陽病」發熱汗出者，「此爲榮弱衛強，故使汗出，欲救邪風者。」「傷寒」大下後，復發汗，心下痞，惡寒者，「表」未解也，不可攻痞，「當先解表，解表，乃可攻痞，解表」宜桂枝湯，攻痞宜大黃黃連瀉心湯。「陽明病」脈遲汗出多，微惡寒者，「表未解也，可發汗。」病人煩熱，汗出則解，又如瘧狀，日晡所發熱者，「屬陽明也。」脈實者，宜下之，脈浮虛者，宜發汗下之，與大承氣湯，發汗宜桂枝湯。「太陽病，脈浮者，可發汗。」下利，腹脹滿，身體疼痛者，「先溫其裏，乃攻其表，溫裏」四逆湯，「攻表」桂枝湯。吐利止而身痛不休者，當消息和解。

「其外。」宜桂枝湯。少和之。下利後。身疼痛。清便自調者。「急當救表。」宜桂枝湯。「發汗。」「婦人得平脈。陰脈小弱。其人渴不能食。無寒熱。名妊娠。桂枝湯主之。於法六十日。當有此證。設有醫治逆者。卻一月加吐下者。則絕之。」「產後中風。」續之數十日不解。頭微痛。惡寒。時時有熱。心下悶。乾嘔。汗出雖久。「陽旦」證續在耳。服桂枝湯。大汗出。脈洪大者。與桂枝湯如前法。「若形如瘧。」日再發者。汗出必解。宜桂枝二麻黃一湯。

桂枝加桂湯。於桂枝湯方內加桂二兩。

燒鍼令其汗。鍼處被寒。核起而赤者。必發奔豚氣。從少腹上衝心者。灸其核上各一壯。與桂枝加桂湯。

桂枝加芍藥湯。於桂枝湯方內加芍藥三兩。

「本太陽病。醫反下之。因爾。」腹滿時痛者。「屬太陰也。」

為則按。腹滿時痛者。即拘急而痛也。是以芍藥為主爾。

桂枝去芍藥湯。於桂枝湯方內去芍藥。

「太陽病下之後。」脈促胸滿者。桂枝去芍藥湯主之。若微惡寒者。去芍藥方中加附子湯主之。

為則按。不拘急故去芍藥也。

桂枝加葛根湯。於桂枝湯方內加葛根四兩。

「太陽病。」項背強几几。反汗出惡風者。

栝萸桂枝湯。於桂枝湯方內加栝萸根二兩。

「太陽病。」其證備。身體強。几几然。「脈反沈遲。此爲瘧。」

爲則按。桂枝湯之症。而渴者主之。

桂枝加黃耆湯。於桂枝湯方內加黃耆二兩。

「黃汗之病。兩脛自冷。假令發熱。此屬歷節。食已汗出。又身常暮盜汗出者。此勞氣也。若汗出已。反發熱者。久久。其身必甲錯。發熱不止者。必生惡瘡。若身重汗出。已輒輕者。久久必身暈。卽胸中痛。」又從腰以上。必汗出。下無汗。腰體弛痛。如有物在皮中狀。劇者。不能食。身疼重煩躁。小便不利。此「爲黃汗。」「諸病黃家。但利其小便。假令脈浮。當以汗解之。」

爲則按。黃耆主治皮膚水氣。可考藥徵。

桂枝加芍藥大黃湯。於桂枝加芍藥方內加大黃一兩。

「本太陽病。醫反下之。因爾。」腹滿時痛者。「屬太陰也。」桂枝加芍藥湯主之。大實痛者。桂枝加大黃主之。

爲則按。桂枝加大黃湯。因桂枝加芍藥湯。加大黃者也。故方名從之。

桂枝加厚朴杏子湯。於桂枝湯方內加厚朴二兩。杏子五十個。喘家作

桂枝湯。加厚朴杏子佳。「太陽病下之。」微喘者。「表未解故也。」

爲則按。當有胸滿證。

烏頭桂枝湯。烏頭五枚。